



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-530-4/23**
Datum: **15.03.2024. god**

«Agencija za vodno područje rijeke Save» Sarajevo rješavajući po zahtjevu pravnog lica, RMU «Breza» d.o.o. Breza za donošenje rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja eksploatacionih radova na lokaciji prostora Površinskog kopa «Koritnik» u sklopu kompleksa RMU «Breza» u Brezi, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, RMU «Breza» d.o.o. Breza za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja eksploatacionih radova na lokaciji prostora Površinskog kopa «Koritnik» u sklopu kompleksa RMU «Breza» u Brezi.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene otpadne vode sa prostora kopa zajedno sa tehnološkim otpadnim vodama nastalim obaranjem prašine nesmetano sakupljaju sistemom slivnih/obodnih kanala i akumuliraju u vodosabirniku na najnižoj tački kopa odakle se povremeno pumpnim sistemom prebacuju u obodni kanal na viši nivoi ispuštaju u otvoreni/putni kanal. Krajnji ispuštaj je u rijeku Stavnju.
 - 2.3. Ispuštene otpadne vode moraju ostati u maksimalno dopuštenim granicama definisanim u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24).
 - 2.4. Objekte čija je svrha prikupljanje i odvodnja onečišćenih otpadnih voda (obodni kanal, kanalizaciona mreža...) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.5. Da se redovno vodi evidencija o količinama i kvalitetu ispuštene vode.
 - 2.6. Da se obezbijedi siguran način skladištenja ulja, maziva i eksploziva u natkrivenoj namjenski izgrađenoj prostoriji sa podnom pločom izvedenom od vodonepropusnog betona otpornog na dejstva hemikalija.
 - 2.7. Da se sa opasnim i štetnim materijama (eksplozivna sredstva i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode.
 - 2.8. Da se na odvodnom cjevovodu, neposredno prije konačnog ispusta otpadnih voda u otvoreni putni kanal izvede posebno reviziono okno koje će služiti kao okno za uzimanje uzoraka (monitoring okno).
 - 2.9. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
 - 2.10. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjernom mjestu prije ispusta u otvoreni/putni kanal u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20.

Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24). Rezultate analiza dostaviti ovoj Agenciji.

- 2.11. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.12. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, vlasnik odnosno korisnik objekta je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog kompleksa objekata obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, RMU «Breza» d.o.o. Breza podnijelo je ovoj Agenciji dana 24.11.2023. godine zahtjev za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokaciji prostora Površinskog kopa «Korithnik» u sklopu kompleksa RMU «Breza» u Brezi a u postupku eksploatacije preostalih rezervi mrkog uglja i otpreme rovnog uglja.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-23-001061 izdatog 11.10.2023. godine od strane Općinskog suda u Zenici,
- Ovjerena kopija Uvjerjenja o registraciji poreznog obveznika izdatog dana 16.10.2020. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-5724-2/20 izdatog 23.10.2020. godine od strane Uprave za indirektno-neizravno oporezivanje Banja Luka,

- Kopija Rješenja o odobrenju obavljanja registrovanih djelatnosti u oblasti rudarstva, geologije, energetike i industrije Up/I broj: 09-18-524/99 izdatog dana 19.04.2000. godine od strane Federalnog ministarstva energije, rudarstva i industrije,
- Kopija Rješenja broj: 06-18-159/05 o odobrenju za eksploataciju mrkog uglja unutar granica eksploatacionog polja «Podgora-Popovići», eksploatacionog polja «Sovrle-Salkanov Han» i eksploatacionog polja «Potkraj» izdatog dana 27.11.2006. godine od strane Federalnog ministarstva energije, rudarstva i industrije,
- Kopija Rješenja o vodnoj dozvoli broj: UP-I/25-3-40-687-6/18 izdatog dana 23.05.2019. godine od strane «Agencije za vodno područje rijeke Save» Sarajevo,
- Kopija Odgovora na upit broj 05/2-19-5-226/23 AK vezano za potrebu izdavanja Rješenja o okolišnoj dozvoli izdatog dana 03.04.2023. godine za pogon PK «Koritnik II», pogone jama «Sretno», jama «Kamenice» i pogon «Prerada uglja» od strane Federalnog ministarstva okoliša i turizma,
- Kopija Izvještaja o monitoringu kvaliteta i kvantiteta otpadnih voda za RMU «BREZA» d.o.o. Breza broj: 1386/23, oktobar 2023. godine urađen od strane «Inspekt-RGH» d.o.o. Sarajevo,
- Izvještaj o utvrđivanju tereta zagađenja otpadnih voda izraženog preko EBS-a za RMU «Breza» d.o.o. Breza broj: 7-174-1956/23, mart 2023. godine, urađen od strane «TQM» d.o.o. Lukavac,
- Glavni projekat - vanjske hidroinstalacije: prikupljanje, odvodnja i tretman tehnoloških otpadnih voda sa platoa za mehanizaciju prije konačnog ispuštanja u rijeku Stavnju urađen od strane «IBIS» d.o.o. Zavidovići (za PK «Koritnik») broj: 88-IB-G/16, oktobar 2016. godine,
- Glavni projekat uređaja za tretman tehnoloških otpadnih voda sa otkopnih etaža i pristupnih puteva prije konačnog ispuštanja u rijeku Stavnju urađen od strane «IBIS» d.o.o. Zavidovići (za PK «Koritnik»), broj: 88-IB-G/16, oktobar 2016. godine,
- Izjava broj: 2834/24 o završetku eksploatacije na lokalitetu PK «Koritnik» potpisana i ovjerena dana 14.03.2024. godine od strane odgovornog lica RMU «Breza» d.o.o. Breza,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog lokaliteta Površinskog kopa «Koritnik» u Brezi i tom prilikom je sačinjen Zapisnik o uviđaju broj: UP-1/21-3-40-530-3/23 od 08.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Površinski kop «Koritnik» čini dio kompleksa Rudnika mrkog uglja «Breza». Nalazi se u sastavu eksploatacionog polja «Kamenice» i lociran je u neposrednoj blizini naselja Kahve, općina Breza. Eksploatisani ugalj se direktno transportuje u Pogon za preradu uglja u krugu RMU «Breza».

Tehnologija otkrivanja i eksploatacije podinskog ugljenog sloja sastoji se iz pet radnih procesa: bušenje, miniranje, bagerovanje, transport i deponovanje. Istražno-eksploatacioni prostor ležišta određen je sljedećim koordinatama:

Tačka	KOORDINATE	
	Y	X
13	6 511 530,00	4 874 550,00
17	6 522 670,00	4 874 525,00
18	6 522 900,00	4 874 305,00
19	6 523 090,00	4 874 120,00
20	6 522 665,00	4 873 700,00
142	6 523 399,00	4 872 663,00
141	6 523 358,36	4 871 518,92
21	6 522 785,00	4 870 745,00
22	6 521 355,00	4 870 710,00
14	6 520 718,00	4 871 150,00

Za predmetni Površinski kop «Koritnik» je u ranijem postupku, dana 23.05.2019. godine, od strane ove Agencije doneseno Rješenje o vodnoj dozvoli broj: UP-I/25-3-40-687-6/18 sa određenim uslovima. Prema uslovu navedenom u tački 2.2. Rješenja podnosilac zahtjeva je u skladu sa dinamičkim planom do određenog roka trebao završiti izgradnju sistema za prikupljanje, odvodnju i tretman sanitarnih otpadnih voda, oborinskih voda sa platoa za mehanizaciju, tehnoloških otpadnih voda sa površinskog kopa kao i izgradnju vodonepropusne tankvane ispod rezervoara za gorivo. Uslovom navedenim tačkom 2.3. definisana je obaveza izgradnje uređaja za tretman otpadnih voda sa otkopnih etaža i pristupnih puteva. Svi radovi su se trebali izvesti prema projektnoj dokumentaciji urađenoj od strane «IBIS» d.o.o. Zavidovići (broj: 88-IB-G/16, oktobar 2016. godine).

Prema izjavi odgovornog lica RMU «BREZA» d.o.o. Breza radovi nisu izvedeni dijelom zbog teške finansijske situacije u kome se preduzeće nalazi već duže vrijeme ali i zbog toga što je na istočnom dijelu lokaliteta PK koji je obrađen navedenom projektnom dokumentacijom završena eksploatacija uglja u periodu 2016.-2023. godina. Na većem dijelu predmetnog lokaliteta je završena tehnička i započeta biološka rekultivacija. Izvršeno je zasađivanje sadnica brzorastuće energetske vrbe.

U toku uviđaja izvršen je obilazak lokaliteta na sjeverozapadnom dijelu PK «Koritnik» koji je trenutno aktivan za površinsku eksploataciju preostalih rezervi mrkog uglja (periodična eksploatacija). Na predmetnoj lokaciji nije evidentirano postojanje radionice, platoa za mehanizaciju (ne vrši se remont vozila i mehanizacije), rezervoara za gorivo niti WC kabine. Voda za piće za potrebe uposlenika se doprema kao flaširana i u kanisterima a za potrebe bušenja i obaranja prašine doprema se tehnološka voda u cisternama. Pomoćni materijali koji se koriste za mehanizaciju (ulja, maziva i eksploziv koji se koristi za miniranje) skladište se u posebnom natkrivenom objektu.

Oborinske vode sa otkopnih etaža i pristupnih puteva ovog lokaliteta se sakupljaju u prirodnom vodosabirniku. Akumulirana voda se koristi za obaranje prašine ili gašenje usljed zapaljenja uglja a višak vode se pumpnim sistemom, po potrebi i povremeno, izbacuje do obodnog kanala duž putne komunikacije u neposrednoj blizini prvobitnog lokaliteta.

Prirodnim padom, prateći lokalnu saobraćajnicu, ove vode se ispuštaju u rijeku Stavnju. Za evakuaciju prikupljenih voda iz «džepova» u vodosabirnik, instalirana je muljna pumpa koja se uključuje po potrebi.

Monitoring otpadnih voda se vrši redovno (mjerno mjesto MM₃ - vodosabirnik). Na uvid predložen izvještaj o ispitivanju kvaliteta otpadnih voda za oktobar 2023. godine urađen od strane «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Prema dostavljenom Izvještaju o rezultatima ispitivanja tereta zagađenja otpadnih voda izraženog preko EBS-a urađenom u martu 2023. godine, ukupan teret zagađenja izražen kao ekvivalentni broj stanovnika na mjernom mjestu MM₃ na površinskom kopu «Koritnik»: EBS=89,1 ES-a.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog Površinskog kopa «Koritnik» u Brezi i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama člana 53. i 116. Zakona o vodama i člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i člana 14. i 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14).

Konstatuje se da je podnosilac zahtjeva, RMU «BREZA» d.o.o. Breza ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja eksploatacionih radova na lokaciji prostora Površinskog kopa «Koritnik» u sklopu kompleksa RMU «Breza» u Brezi te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.grad.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.grad.

Dostaviti:

- RMU «Breza» d.o.o. Breza
ul. Branilaca grada bb, 71370 Breza
- AVP Sava, ISV – Vodna knjiga
- Sektor 50
- ⊗ Sektor 40 - arhiva
- Oglasna ploča - AVP Sava